



Sammlung

QUOD BENE SIT  
Novis Connubii Candidatis,  
*Viro Reverendo & Doctissimo,*  
Dn.

M. JULIO SAT-  
LERO, ECCLESIASTAE  
GUELPHICO:

ET  
*Virgini morum formaq; Venere elegantissima*  
VERONICAE Junsts,  
*Reverendi & Amplissimi Viri,*  
Dn. JOANNIS, ABBATIS MARIAE  
vallensis, FILIAE,  
*ex animi sententiâ gratulantur*  
Affines & amici.



WOLFERTI,  
Anno, quo  
M. IVLI SaDLerI nVptlæ.







EPIGRAMMA NVPTIALE.



Conjugium in terris **ORDO** est  
sanctissimus, in quo  
**ABBAS DEUS**, sunt mansio-  
nes Conjugum  
**COENOBIA**, at **MONA-**  
**CHI MONACHÆ**q<sup>3</sup>, creante Iehova,  
Sunt Fœmina viriq<sup>3</sup>, quos unâ domo  
Conjuxit geminos semper servator & Author  
Vita jugalis optimus. Hujus **ORDINIS**  
**REGULA** Lex **CHRISTI** est tali sanc-  
Multiplicamini, genusq<sup>3</sup> extendite (ta tenore:  
Prole novâ, ut mea perpetuis Ecclesia crescat  
Cultoribus, surgatq<sup>3</sup> plurima patrio  
Planta polo. Hoc si quis sectatur in **ORDI-**  
**DEO** placere degit & suavissimâ **NE** Christû,  
Vitam: Quod cum tu reputes, Doctissime Juli,  
Hunc **ORDINEM** præ cæteris præbendere,  
Et Monachus fieri cupis, & tibi jungere **Vestâ**  
**VERONICAM**, quæ non juâ sanctis fidem  
Sed tibi despondet: Tu rursus & ipse jugalem  
Committite virgini pudorem: **Vivite**

A 2

Jam

*Jam Monachi facti, & vobis sit Regula cura.  
Vestrum beatum ego precino Monasterium,  
Si modo sit vestrum, mandato munere fungi,  
Ventos habebunt mitiores omnia,  
Nec deerunt vobis Monachi Vestaq; recentes,  
Pro tintinabulis sonabunt cunula.*

CANONES NUPTIARUM.

*PVLChra tibi vt pVLChro IVLI VeronICA Consors  
IVngltVr, It SextVs, Sponse, NoVeMbris Eos.  
ALIVS.*

*NoVeMbris en fato bono  
LVX CLarV It bls tertIa,  
SponsoqVe IVncta est IVLio  
VeronICA, o Verè VnICA.*

M: JOACH: POLYNGVS G.S. G.

ODE NUPTIALIS.

**V**T sæpe magnum fontis ab unius  
Parvis scatebris, fluminis alveum  
Dilatat augens ampliatq;  
Navigeras aqua prona vires:  
Hinc copioso gurgitis impetu  
Adacta passim, brachia longius  
Extentam non unam abunde  
Porrigit exsuperans in oras.

Bene

Bene auspiciatum sic, DOMINO auspice,  
 SATLERIANAE stemma propaginis,  
 Satu secundo & copioso,  
 Ordia prima sui, inclutamq;  
 Celebritatem non modò vincere  
 Amat; sed altè, quâ pote, nomina  
 Ornata vexillis honorum  
 Tollere, & ulterius subinde  
 Protendere audet: celsa abies velut  
 Contenta non est vertice montium,  
 Sed usq; se contendit ipsam  
 Exsuperare, jugumq; summum,  
 Quo nata floret; non hyemis modò,  
 Ventiq; & æstûs, sed quoq; fulminum  
 Sævæq; contemtrix procellæ,  
 Perstat, & aërii Tonantis  
 Commota nusquam, triste periculum  
 Vitat, comanti frunde superbiens:  
 Mirantur hanc salvam jugorum  
 Numina quotquot, Orcadesq;  
 Dryâdesq; canæ saltibus imperant,  
 Tutela præsens stirpibus arborum,  
 Non absq; vicinæ minaci  
 Invidiâ pereuntis orni.  
 SATLERIAM cui prætulero nurum?  
 O liberorum nobilium parens!  
 Matrona, quæ Junone major,  
 Primigenâq; Ope, major Hebe!  
 Quænam auspici munere te poli  
 Produxit Eos? quæ tibi candido  
 Fulsêre in ortu tam benignè  
 Sidera? quod genitale signum

Nascentem amavit tot nitidissimis  
Ornare donis? stemmate quæ pio,  
Bono voluptatem P A R E N T I  
Suppeditas cupientiozem.  
Jamq; OPTIMO VERONICA JULIO,  
Reconditarum quem sapientia  
Rerum, atq; doctrinæ paratæ  
Copia, & ingeniosioris  
Innata Virtus stipat acuminis,  
In destinatam conjugij fidem  
Juncta est, maritaliq; casti  
Fœdere consociata lecti.  
Hanc, SPONSE, amores sicut tibi vinculis  
Accopulârunt, ut neq; fortiùs  
Cauti Prometheus, nec retortis  
Arctiùs Andromede catenis  
Sint alligati. Quippe VERONICAE  
Te forma cepit blandiloquentulæ,  
Vultusq; majestate plenus,  
Non sine floridulis ocellis,  
Bellis ocellis: qualibus enitet,  
Australi in orâ, dexter idem tadem  
Et lævus Orionis alti  
Aurcolis humerus mitellis.  
Qualis renidet florida punici  
Fissura mali: sic pia diffluunt  
Labella, quæ sputo cruoris  
Ipsa sui Cytherca tinxit.  
Hac ergo fretus COMPARE, ne time,  
Quicquid vel usquam conjugio crucis  
Aspergitur: namq; insolenti  
Cerberus hoc petit adlatratu.

Cui



Cui navigata est nulla Thetis, Notū  
Nescit procellas, nescit amara aqua,  
Et nauscatum fluctuosi,  
Quem ciet unda maris, tremorem.  
Verū benignum Numen, in omnibus  
Cui fata parent subdita, proprio  
Thorū administrabit gubernans  
Mimine, consilioq; certo.  
Lecto jugali cælica militant  
Dicata castis agmina Nuptijs;  
Custode vitæ quis timeſcat  
Apposito, vigiliq; ocello?  
Quod si comato nec pilus unicus  
Mortalium de vertice labitur,  
Divina quæ non, teste **CHRISTO**,  
Prænumerârit ibi potestas;  
Quantæ ipsa curæ membra ad eò integra,  
Jugata sacro legitimè thoro,  
Esse aritreris conditori,  
Corporis atq; animæ datori?  
Pulchrè ac beatè sit Tibi, sit Tuæ  
**VERONICAE, SATLERE.** Sit hæc ferax,  
Quæ vitis instar fructuosæ  
Cingat herile domus lacunar.  
Formosa vobis tollite pignora,  
Istoq; dignas **SANGUINE** res dehinc  
Virtute patratura, & almam  
Ingenio paritura famam.  
O si, resarctæ ceu folia arbori,  
Renasceretur flos juvenum **TUO**  
**PATRI**, ut videret in **ſenectâ**  
Primigenos nitidæ renasci

A Etatis

Aetatis annos, inq; Aquilæ modum  
Fallentis ævum, se juvenescere!  
Ex cuius olim mentione  
Progenies tua plurimarum  
Exempla virtutum, ut meritò potest,  
Sic debet ultrò sumere: non quidem  
Ad insolentem (turpe!) fastum,  
Sed generosam imitationem.  
Cape hoc amoris mnemosynon mei,  
Qui doctus hîc sum serpere tantùm humi:  
Frustra laborat præpeditus  
Bellerophonta sequi viator.

28. Octob. an. 1614.

M. Henric-Julius Strubius, Pastor & Sup. Lichteberg.

---

Aliud.

Qva vos Cardinei, cepit dementia, Patres,  
Olim quod fulmen vibrâstis ab urbe Tridenti,  
Fulmen, quo stygiis immitritur ille caminis  
Mystes, qui casto dabit unquam nomen amorî?  
Rem calamo indignam, dignam mastige refelli!  
Tutius est verbo, quàm verberare talia solvi.  
Paucam canam, sed vera canam, vos pectoris imo  
Volvite secessu: Tharsensis Apostolus, Esto  
Presbyter omnis, ait, castè unâ uxore ligatus,  
Nubere nam præstat, quàm torre libidinis uri.  
Quid! vos conjugium fugitis cane pejùs & angui?  
Dicite, cur illud cimelia ponitur inter  
Romana septena domus, septemq; sigilla?  
Eloquar an sileam? Latiâ tu præsul in aulâ,  
Purpureiq; Patres, hanc legem rite tulistis,

Tantum

*Taurus ut in pecudes, sic luxurietis in omnes.  
Nec Papa tu patris ut mentiris, nomine dictus,  
Sed quia scortorum tua tractat dextra papillas  
Molliter, ecce Papæ sortitus nomen & omen,  
Et pontes quoniam scortorum condis ad ades,  
Hinc tibi pontificis nomenq; omenq; trahuntur.*

*Felix ô Iuli, quòd non de tramite recto  
Impia te rase flexit contagio turba!  
Sed vite sectaris iter melioris, & altâ  
Mente, Dei spectas quid portent dogmata veri,  
Iudice quo nemo, quo fallitur indice nemo;  
Is vestra ut clemens, precor, hæc incepta secundet.*

M. FRIDERICUS FVNCCIVS,  
Scholæ Riddageshusanæ Rector.

*In Pastoratum Reverendi, Doctiss. & Humaniss. viri Dn.  
M. JULII SATLERI, PASTORIS SVBVR-  
bii prope Henricopolin digniss. Eiusdemq; con-  
jugium Ann. 1614.*

**J**ULIUS ingenui soboles genuina parentis,  
SATLERI nomen qui ΒΑΣΙΛΗΟΣ haber,  
Exprimit ut magnum, satus est quo autore, pa-  
rentem

*Ingenio, vultu, voceque parè pari,  
Ipse quod agnoscens, quo gaudeat, esse talentum,  
Salvum, ait, hocce velis mi DEUS esse mihi:  
Sic genus hoc vite, quod mystica tractat, ut ille,  
Præcipuè elegit proposuitque sibi.*

B

Dogma

Dogma amplexus idem est, profitetur idemque,  
salutis

Æthereæ CHRISTUM quod profite-  
retur iter.

Ecce LYCAONIAE prælustre quod adjacet  
arci

Castellum, hunc mystam fidum habet, audit,  
amat,

Ceu pater ipse aulam vicinam, aulaque dynastas  
Præco sacer verbi pabula læta docet,

In primisque tibi CALVINE docendo repu-  
gnat,

Doctrinâ excellens & pietate senex.

Vive diu ò JULI, clarumque æquare paren-  
tem

Si nequeas, saltem non procul esse stude.

Ecce studes: Probat acta tua ratio optima  
vita,

Et data quæ studiis tempora longa bonis.

Laurea ferta probant tibi reddita, sacra docendi

Officium pariter quod geris ipse, probat.

Germina, nî fallor, tibi mox oritura, probabunt,

Dum socio subdis jam tua colla toro.

Hinc

Hinc pro te ingemino hoc votum: CHRISO au-  
spice profer

Germina, quot celebris protulit antè pater.  
Sic cathedram thalamumque tuum complector

FULI,

Distinctum fieri cum potuisset epos.

Res bene habet: Thalami decus asseris atque  
cathedra:

Musa (utinam placeat!) carmine tractat  
idem.

TILEMANVS PETZIVS Dornensium  
Pastor prope arcem Liebenburgam.

F I N I S.



Faint, illegible text, likely bleed-through from the reverse side of the page.



99 A 6908

ULB Halle 3  
002 927 25X



Handwritten initials: JB

Retro 1

VDA 17









B.I.G.

Farbkarte #13

Blue Cyan Green Yellow Red Magenta White 3/Color Black



34



E SIT  
andidatis,  
*Doctissimo,*

SAT.

SIATAE  
CO:

ere elegantissima  
E *Dunfts,*

imi Viri,  
TIS MARIAE,  
LAE,

gratulantur  
ici.



YTI,

nVptlae.

